

**DIO TRANSKRIPTA PONOVDNE 21. SJEDNICE SKUPŠTINE, ODRŽANE
23.12.2015. GODINE U KOME JE SADRŽANA RASPRAVA PO T/3 “NACRT
ZAKONA O IZVRŠAVANJU BUDŽETA ZENIČKO-DOBOJSKOG KANTONA
ZA 2016. GODINU”**

PREDSJEDAVAJUĆA

Otvaram raspravu po ovoj tački dnevnog reda da li neko želi učestvovati u raspravi.

HASAN HANDŽIĆ

Evo obzirom da se nisam javljao, a imao sam potrebe kada je prethodna tačka bila u pitanju prije svega što sam jedini zastupnik koji je u prošlom i ovom mandatu bio u opoziciji i puno toga kazati ali ostaviću za taj dokument kada bude u formi prijedloga, ovdje su neki kazali i bili su u pravu, naravno kada je Nacrt Budžeta jedan od najbitnijih i osnovnih dokumeta za rad u toku jedne kalendarske godine, no međutim ima još jedan koji ga prati, a to je Zakon o izvršenju budžeta, on tretira i trasira put prioriteta kojima se troši i na kojim principima se usmjeravaju sredstva predviđena u Budžetu. Federalni zakon u članu 10. tretira tačno i precizno vanjski i unutrašnji dug, socijalne kategorije, pa onda tamo negdje na 5. tački plaće i doprinose na plaću itd., ne znam da li je prošle godine, ali u prošlom mandatu zasigurno jeste jedan takav plan bio i u Zakonu o izvršenju budžeta kantonalnog nivoa, ja ga sada ne vidim. Ono što vidim je član 6. ovdje pod tačkom 3. da samo kaže plaćanje obaveza iz osnovnog vanjskog i unutrašnjeg duga, prioritet je obaveza Kantona, za ovo ne tražim pojašnjenje jer sam već sa ministrom u toku razgovora na pauzi razgovarao zašto je tako i ministar se poziva na drugi Zakon koji to tretira. Ja se slažem ali ipak sam mišljenja da bi jedan dodatni član ovog Zakona o izvršenju budžeta koji tretira prioritete utroška sredstava bez obzira što će se neko pozvati tamo na Ustavne kategorije bio dobar, u kojim bi svi mi zajednički dali doprinos da se socijalno ugrožene kategorije stave u jedan od prioriteta prilikom izvršenja Budžeta i onda više ne bi imali majke dohilje pred vratima ove zgrade na izuzetno niskim temperaturama, ne bi imali dug iz prošle kalendarske godine za stipendije studentima, ne bi imali 5 invalidnina dužni civilnim žrtvama rata i zasigurno bi napravili jedan zakon koji bi bio u najmanju ruku normalniji, a mi bi mogli pogledati u oči toj kategoriji jer svi smo i u predizornoj i u postizbornim razgovorima sa tim populacijama dali obećanje..., ne tražim nikakvo pojašnjenje obzirom da mi je ministar već pojasnio ali moja sugestija da jedan ovakav član treba da postoji i da ove kategorije zaslužuju svoje mjesto u prioritetima. Hvala vam.

PREDSJEDAVAJUĆA

Zaključujem raspravu